

Feidhmiú an chórais iarnróid a
fheabhsú don tsochaí.

Glao ar Iarratais do phost mar Riarthóir (Oifigeach Tionscadail) i Roinn na gCóras Iarnróid

Gníomhaire Sealadach 2(f) (AD8) – d’fhonn liosta ionadaithe a bhunú – ERA/AD/2022/001-OPE

I - SAINCHUNTAS POIST

Tá Riarthóir (Oifigeach Tionscadail) á lorg ag an nGníomhaireacht i gcomhair Roinn na gCóras Iarnróid san Aonad ERTMS agus Teileamaitice.

› **ETCS**

Beidh an té a fhostófar ag obair i Roinn na gCóras Iarnróid agus, go sonrach, san Aonad ERTMS agus Teileamaitice faoi fhreagracht a Cheann Roinne agus a Cheann Aonaid.

Príomhchúraimí agus príomhfhreagrachtaí:

- › Doiciméid theicniúla a dhréachtú ar ardleibhéal cáilíochta, amhail doiciméid theicniúla ERTMS/ETCS, CCS STI, tuairimí teicniúla, treoracha iarratais, etc., agus/nó rannchuidiú leis an obair sin;
- › Anailís agus obair leantach a dhéanamh ar Iarrataí ar Athrú i leith ERTMS/ETCS i gcreat an phróisis Bainistíochta ar Rialú Athraithe de chuid na Gníomhaireachta;
- › Rannchuidiú le meithleacha a thionól, a stiúradh agus a threorú i gcomhar le saineolaithe seachtracha ar ábhair shonracha ar cinn iad atá ábhartha don earnáil oibre;
- › Saineolas a sholáthar d’Aonaid na Gníomhaireachta agus d’Institiúidí/do Ghnóthais Chomhphárteacha eile de chuid an Aontais Eorpaigh sa réimse inniúlachta agus, go háirithe, faoi chuimsiú formheasanna taobh riain agus/nó údaruithe feithiclí de chuid ERTMS.

II - CRITÉIR INCHÁILITHEACHTA

Tá an nós imeachta roghnúcháin ar oscailt d’iarrthóirí a chomhlíonann gach ceann de na critéir incháilitheachta seo a leanas faoin dáta deiridh chun Iarratais a chur isteach:

1. Riachtanais ghinearálta:

- › A bheith ina náisiúnach de Bhallstát den Aontas Eorpach¹ nó a bheith ina náisiúnach den Limistéar Eorpach Eacnamaíoch (an Íoslainn, Lichtinstéin, agus an Iorua);
- › A bheith i dteideal a cheart iomlán/a ceart iomlán mar shaoránach;

¹ Is iad seo a leanas Ballstáit an Aontais Eorpaigh : An Bheilg, an Bhulgáir, an Chipir, an Chróit, an Danmhairg, an Eastóin, Éire, an Fhionlainn, an Fhrainc, an Ghearmáin, an Ghréig, an Iodáil, an Ísiltír, an Laitvia, an Liotuáin, Lucsamburg, Málta, an Pholainn, an Phortaingéil, an Ostair, an Rómáin, Poblacht na Seice, an tSlóvaic, an tSlóivéin, an Spáinn, an tSualainn agus an Ungáir.

- › Aon oibleagáidí arna bhforchur le dlíthe is infheidhme a bhaineann le seirbhís mhíleata a bheith comhlíonta aige/aici²;
- › Na riachtanais charachtair maidir leis na dualgais atá i gceist a chomhlíonadh³;
- › A bheith corpacmhainneach chun na dualgais a bhaineann leis an bpost a chomhlíonadh⁴;
- › Eolas an-mhaith a bheith aige/aici ar theanga oifigiúil⁵ de chuid an Aontais Eorpaigh agus eolas sásúil a bheith aige/aici ar theanga oifigiúil eile⁶ de chuid an Aontais Eorpaigh, a mhéid is gá chun na dualgais a bhaineann leis an bpost a chomhlíonadh;
- › A bheith faoi bhun na haoise ag a gcuirtear baill foirne an Aontais Eorpaigh ar scor go huathoibríoch. Faoi láthair, is é sin an lá deiridh den mhí ina mbainfidh an ball foirne 66 bliana d’aois amach⁷.

2. Cáilíochtaí íosta:

- › Leibhéal oideachais a chomhfhreagraíonn do staidéar críochnaithe ollscoile atá fianaithe le dioplóma sa chás go maireann an ghnáth-thréimhse oideachais ollscoile **4 bliana** nó níos mó, agus taithí ghairmiúil 10 mbliana ar a laghad ina dhiaidh sin;
NÓ
- › Leibhéal oideachais a chomhfhreagraíonn do staidéar críochnaithe ollscoile atá fianaithe le dioplóma sa chás go maireann an ghnáth-thréimhse oideachais ollscoile **3 bliana** agus taithí ghairmiúil 11 bhliain ar a laghad ina dhiaidh sin.

Ní ghlacfar ach le cáilíochtaí arna n-eisiúint ag údaráis na mBallstát den Aontas Eorpach nó den Limistéar Eorpach Eacnamaíoch agus le cáilíochtaí atá aitheanta mar cháilíochtaí coibhéiseacha ag údaráis ábhartha na mBallstát den Aontas Eorpach nó den Limistéar Eorpach Eacnamaíoch.

III - CRITÉIR ROGHNÚCHÁIN

Na hiarrthóirí a chomhlíonann na critéir incháilitheachta a leagtar amach thuas, déanfar iad a mheasúnú agus a scóráil i gcoinne **critéir roghnúcháin**. I gcás iarrthóirí nach gcomhlíonann ceann amháin nó níos mó de na critéir roghnúcháin, ní dhéanfar iad a eisiáimh láithreach as an roghnú.

Na **critéir roghnúcháin** a úsáidtear chun iarratais na n-iarrthóirí a mheasúnú:

- › Staidéar ollscoile i réimse na hinnealtóireachta **NÓ** na n-eolaíochtaí beachta⁸;
- › Taithí ghairmiúil ábhartha 10 mbliana ar a laghad⁹, a bhaineann leis na cúraimí a liostaítear sa sainchuntas ar an bpost;
- › Líofacht an-mhaith sa Bhéarla¹⁰;

2 Más infheidhme

3 Sula gceapfar é/i, ní mór don iarrthóir a n-éireoidh leis/léi teastas a chur ar fáil ina léireofar nach bhfuil aon taifead coiriúil aige/aici

4 Sula gceapfar é/i, cuirfean ar t-iarrthóir rathúil faoi réir scrúdú dochtúra in ionad leighis a ainmneoidh an Gníomhaireacht lena dheimhniú go gcomhlíonann sé/sí riachtanais Airteagal 28 (e) de Rialachán Foirne Oifigigh an Aontais Eorpaigh agus Coinníollacha Fostaíochta Sheirbhísigh eile an Aontais Eorpaigh

5 Do mháthairtheanga nó teanga oifigiúil eile de chuid an Aontais Eorpaigh a bhfuil eolas an-mhaith agat uirthi a chomhfhreagraíonn do Leibhéal C1 mar a shainítear sa Chreat Comhchoiteann Tagartha Eorpach le haghaidh Teangacha (CEFR) <http://europass.cedefop.europa.eu/en/resources/european-language-levels-cefr>

6 Eolas ar theanga oifigiúil eile de chuid an Aontais Eorpaigh a chomhfhreagraíonn do leibhéal B2 ar a laghad mar a shainítear sa Chreat Comhchoiteann Tagartha Eorpach le haghaidh Teangacha (CEFR)

7 Féach Airteagal 52 (a) de Rialachán Foirne Oifigigh an Aontais Eorpaigh maidir le Gníomhairí Sealadacha, rud is infheidhme maidir le Gníomhairí ar Conradh de réir analaí, Airteagal 119 de Choinníollacha Fostaíochta Sheirbhísigh Eile

8 Is iad na heolaíochtaí beachta na heolaíochtaí “ar féidir cruinneas iomlán a bhaint amach ina gcuid torthaí”. Samplaí de na heolaíochtaí beachta is ea an mhatamaitic, an cheimic agus an fhisic.

9 Ba cheart tuairisc a thabhairt ar do chuid taithí ábhartha i d’iarratas chuig ERA.

10 Toisc gurb é Béarla teanga cumarsáide na Gníomhaireachta, tá leibhéal C1 ar a laghad (sna trí réimse: Labhairt, Scríbhneoireacht agus Tuiscint) i mBéarla ag teastáil

- › Taithí chruthaithe ar obair a dhéanamh i dtimpeallacht idirnáisiúnta;
- › Eolas maith ar shonraíochtaí ERTMS/ETCS;
- › Dea-thuiscint ar phrionsabail agus rialacha oibríochtúla ERTMS;
- › Taithí le dearadh, innealtóireacht, fíorú, bailíochtú, tástáil agus/nó suiteáil ERTMS/ETCS;
- › Taithí 2 bhliain ar a laghad i meithleacha idirnáisiúnta le saineolaithe eanála.

Ní mór don iarrthóir an cur síos is beaichte is féidir a dhéanamh san fhoirm iarratais ERA maidir leis na cáilíochtaí oideachais/acadúla agus an taithí ghairmiúil atá aige nó aici.

Na hiarrthóirí a mheasfar a bheith ar na hiarrthóirí is oiriúnaí ar bhonn na gcritéar roghnúcháin, tabharfar cuireadh dóibh freastal ar agallamh agus triail scríofa a dhéanamh.

IV - AGALLAMH AGUS TRIAIL SCRÍOFA

Iarrthóirí a roghnófar chun freastal ar chéim na trialach, lena n-áirítear agallamh struchtúrtha agus triail scríofa, déanfar iad a mheasúnú agus a scóráil in aghaidh na gcritéar a leanas:

1. Don agallamh:

Sainscileanna gairmiúla:

- › Eolas ar chóras ERTMS agus a shonraíochtaí;
- › A bheith in ann cumarsáid a dhéanamh ó bhéal agus i scríbhinn as Béarla.

Scileanna boga:

- › Spreagadh;
- › Scileanna cumarsáide;
- › Scileanna anailíseacha agus réitigh fadhbanna;
- › Meon foirne, meon comhoibríoch, dírithe ar sheirbhís agus teacht aniar.

2. Don triail scríofa:

- › An cumas anailís agus achoimre a dhéanamh ar fhaisnéis i scríbhinn;
- › A bheith in ann cumarsáid a dhéanamh go héifeachtach i scríbhinn sa Bhéarla;
- › Cumas pleanála.

I gcás cainteoirí dúchais Béarla, déanfar tástáil le linn an agallaimh ar do chumas cumarsáid a dhéanamh sa dara teanga AE atá agat. De thairbhe gur cuid é sin de na ceanglais ghinearálta a luaitear thuas, eiseofar aon duine ón roghnúchán mar gheall ar mhainneachtain leibhéal sásúil sa dara teanga AE a chruthú.

Glaó ar Iarratais do phost mar Riarthóir (Oifigeach Tionscadail) i Roinn na gCóras Iarnróid

Gníomhaire Sealadach 2(f) (AD8) – d'fhonn liosta ionadaithe a bhunú – ERA/AD/2022/001-OPE

<i>Dáta foilsithe:</i> an 27/04/2022	<i>Spríoc-am le haghaidh iarratas:</i> an 26/05/2022 (23.59 Am Lár na hEorpa, am áitiúil Valenciennes)
<i>Cineál conartha:</i> Gníomhaire Sealadach 2(f) <i>Feidhmghrúpa agus grád:</i> AD8	<i>Áit fostaíochta:</i> Valenciennes, An Fhrainc
<i>Fad an chonartha:</i> 4 bliana agus féadfar é a athnuachan go ceann tréimhse chinnte nach faide ná 2 bhliain. Má dhéantar é a athnuachan don dara huair, is conradh éiginnte a bheidh i gceist	<i>Buntuarastal míosúil:</i> EUR 7 257,53 ag céim 1 agus fachtóir ualaithe 19.9% (ón 01/07/2021) mar aon le liúntais shonracha i gcás inarb infheidhme
<i>Roinn : Córais Iarnróid – Aonad:</i> ERTMS agus Teileamaitic	
<i>Ní mór iarratais a sheoladh, ar an ríomhphost amháin, chuig an mbosca ríomhphoist:</i> jobs@era.europa.eu	<i>Beidh an liosta ionadaithe bailí go dtí:</i> An 26/05/2024, agus d'fhéadfaí síneadh ama a chur leis an tréimhse sin

AN GHNÍOMHAIREACHT

Is gníomhaireacht de chuid an Aontais Eorpaigh í Gníomhaireacht Iarnróid an Aontais Eorpaigh arna bunú le Rialachán (AE) 2016/796. Is é an cuspóir atá léi tacú le forbairt Limistéir Eorpaigh Iarnróid Aonair, limistéar gan teorainneacha, lena rathófar leibhéal ard sábháilteachta.

An Eoraip a bhogadh i dtreo córas iarnróid inbhuanaithe, sábháilte gan teorainneacha

Tá rún daingean againn é sin a bhaint amach tríd an méid seo a leanas a dhéanamh:

- › Deimhnithe, údaruithe agus seirbhísí ceadaithe a sholáthar don earnáil iarnróid;
- › Cur chuige comhpháirteach a fhorbairt i leith sábháilteachta ar an gCóras Eorpach um Bainistiú Tráchtá Iarnróid (ERTMS);
- › Faireachán a dhéanamh ar Údaráis Náisiúnta Sábháilteachta agus ar Chomhlachtaí a dTugtar Fógra dóibh;
- › Cúnamh (e.g. scaipeadh, oiliúint) do bhallstáit, údaráis náisiúnta sábháilteachta agus geallsealbhóirí;
- › Tacaíocht theicniúil a sholáthar don Choimisiún Eorpach, agus
- › Rochtain éascaithe do chustaiméirí a chur chun cinn maidir leis an earnáil iarnróid Eorpach.

Tá tuilleadh sonraí faoinár ngníomhaíochtaí le fáil inár nDoiciméad Clársceidealaithe Aonair.

Is in Valenciennes atá Ceanncheathrú na Gníomhaireachta agus tá roinnt saoráidí eile in Lille atá dírithe ar imeachtaí áirithe. Féach an nasc seo a leanas anseo chun léamh faoi mhisean, fíis agus luachanna na Gníomhaireachta.

Le tuilleadh eolais a fháil, léigh fúinn le do thoil ar era.europa.eu.

ROINN NA gCÓRAS IARNRÓID

Tá Roinn na gCóras Iarnróid (RSY) ina cuid lárnach den Inniúlacht um Chórais Iarnróid don Ghníomhaireacht.

Agus í eagraithe ina trí Aonad éagsúla, cumhdaíonn an Roinn na feidhmeanna seo a leanas:

- › Sábháilteacht agus oibríochtaí iarnróid;
- › Idir-inoibritheacht iarnróid i ndáil le feithiclí agus infreastruchtúr;
- › Córas Eorpach um Bainistiú Tráchtá Iarnróid (ERTMS) agus Teileamaitic.

Tá sé ina aidhm ag Roinn na gCóras Iarnróid éabhlóid Ailtireachta Córais Sprice i gcomhair Limistéar Eorpach Iarnróid Aonair (SERA) a chur chun cinn maidir le sonraíochtaí, fíorú agus próisis deimhniúcháin.

Tá RSY freagrach as tograí a fhorbairt chomh maith, agus as tacú leis an earnáil chun éabhlóid Chóras Iarnróid sprice SERA a bharrfheabhsú agus na réitigh is inmhathana a chur i bhfeidhm ar mhaithe le hidir-inoibritheacht theicniúil agus oibríochtúil bhreise. Sa bhreis air sin, tá sé de chúram ar RSY cothabháil agus feabhsú, a mhéid is indéanta, a dhéanamh ar shábháilteacht agus ar fheidhmíocht fhoriomlán an chórais iarnróid.

Tá sé ina chuid de mhisean RSY feidhmiú mar chuimhne chorparáideach i leith éabhlóid Ailtireacht Chóras Iarnróid SERA, agus mar Údarás Córais do ERTMS agus Feidhmchláir Theileamaitice do Phaisinéirí agus Lastas.

Tá sé ina aidhm ag an RSY comhsheasmhacht a áirithiú i dtaobh na gcinntí teicniúla arna nglacadh ar fud Aonaid agus Foirne éagsúla na Gníomhaireachta.

NÓS IMEACHTA CHUN IARRATAS A DHÉANAMH

Chun iarratas **bailí** a dhéanamh, ní mór d'iarrthóirí an fhoirm iarratais chuig ERA a chomhlánú go cuí agus a chur isteach faoin dáta deiridh ar a nglacfar le hiarratais.

I gcás iarrthóirí a bhfuil céimeanna/diplómaí acu nár bronnadh san Aontas Eorpach iad, iarrtar orthu leaganacha scanta de na céimeanna/na diplómaí arna mbailíochtú san Aontas Eorpach a chur isteach in éineacht lena n-iarratas chuig ERA.

Aon iarrthóir nach gcloífidh leis na treoracha, eisiafar é/í ón bpróiseas roghnúcháin.

Moltar d'iarrthóirí an t-iarratas a líonadh isteach i mBéarla chun an próiseas roghnúcháin a éascú, ós rud é gurb é Béarla teanga chumarsáide na Gníomhaireachta.

Ní mór iarratais a sheoladh ar an ríomhphost chuig an mbosca ríomhphoist **jobs@era.europa.eu** faoin **26/05/2022** ar 23.59 Am Lár na hEorpa (am áitiúil in Valenciennes) ar a dhéanaí, **agus uimhir thagartha an ghlaó ar iarratais á sonrú go soiléir sa líne ábhair.**

Tabhair do d'aire le do thoil nach mbreithneofar iarratais a chuirfear isteach trí fhacs nó ar an ngnáthphost.

Más rud é go n-aimsítear ag céim ar bith den nós imeachta gur faisnéis mhícheart í an fhaisnéis a thabharfaidh iarrthóir, féadfar an t-iarrthóir atá i gceist a dhícháiliú.

Tá cosc ar iarrthóirí dul i dteagmháil, bíodh an teagmháil sin díreach nó indíreach, le comhaltaí den Choiste Roghnúcháin agus tá cosc ar dhuine ar bith eile déanamh amhlaidh thar a gceann. Forchoimeádann an

tÚdarás atá Údaraithe chun Conarthaí a Chur i gCrích trí tharmligean (AACC anseo feasta) an ceart chun aon iarrthóir a dhéanfaidh neamhaird den treoir sin a dhícháiliú.

Bunófar liosta ionadaithe agus beidh sé bailí ar feadh 2 bhliain ó dháta deiridh an nós imeachta roghnúcháin. Féadfar síneadh ama a chur le tréimhse bhailíochta an liosta ionadaithe ar bhonn cinneadh ó AACC. Féadfar an liosta ionadaithe a úsáid chun earcaíocht a dhéanamh le haghaidh poist eile lena mbaineann an feidhmghrúpa, an grád agus an phróifíl chéanna a shonraítear thuas.

Tabhair do d'aire le do thoil go bhféadfadh fadhbanna a bheith ag an gcóras méideanna móra sonraí a phróiseáil mar gheall ar an líon ard iarratas a d'fhéadfaimis a fháil faoin sprioc-am le haghaidh iarratais a chur isteach. Dá bhrí sin, moltar d'iarratasóirí a n-iarratas chuig ERA a chur isteach tamall maith roimh an sprioc-am.

Tábhachtach: NÍOR cheart doiciméid tacaíochta (e.g. cóipeanna deimhnithe de chéimeanna/dhioplómaí, cruthúnas ar thaithí, etc.) a sheoladh ag an gcéim seo, ach iarrfar iad ag céim níos déanaí den nós imeachta. Ní sheolfar aon doiciméad ar ais chuig iarrthóirí.

NÓS IMEACHTA ROGHNÚCHÁIN

Eagrófar an nós imeachta roghnúcháin mar seo a leanas:

1. Bunóidh AACC Coiste Roghnúcháin. Foilseofar ainm na gcomhaltaí ar Shuíomh Gréasáin ERA;
2. Déanfaidh an Coiste Roghnúcháin na hiarratais a chuirfear isteach a sheiceáil i gcoinne na gcritéar sonracha a leagtar amach sa rannán "Critéir incháilitheachta" den Ghlaó ar Iarratais;
3. Déanfar iarratais ina gcomhlíontar na coinníollacha sin a mheasúnú agus a scóráil ansin i gcoinne na gcritéar roghnúcháin a leagtar amach sa rannán "Critéir roghnúcháin" den Ghlaó ar Iarratais;
4. Ní chuirfear san áireamh ach na hiarrthóirí sin a gheobhaidh 60% ar a laghad de na pointí iomlána arna mbronnadh le haghaidh na gcritéar roghnúcháin. Agus leas á bhaint aige as an liosta sin, cuirfidh an Coiste Roghnúcháin ar ghearrliosta na hiarrthóirí a bhfuil na scóir is airde acu, agus tabharfar cuireadh dóibh dul faoi agallamh agus triail scríofa;
5. Is i mBéarla a dhéanfar gach agallamh agus an triail scríofa. Más é Béarla do mháthairtheanga, scrúdófar an dara teanga a shonraítear san fhoirm iarratais;
6. Is mar seo a leanas a chinntear na scóir i leith na n-agallamh agus na trialach scríofa:
 - › An scór iomlán don agallamh: **60 pointe** An scór íosta chun pas a ghnóthú: **36 pointe (60%)**
 - › An scór iomlán don triail scríofa: **40 pointe** An scór íosta chun pas a ghnóthú: **24 pointe (60%)**

Ní dhéanfar measúnú ar thriail scríofa na n-iarrthóirí sa chás nach mbainfear amach an scór íosta chun pas a fháil san agallamh;

7. Ag teacht sna sála ar thorthaí na n-agallamh agus na trialach scríofa, cuirfear an chéad **cúigear** (líon tásca) iarrthóirí ar an liosta iarrthóirí oiriúnacha. Molfaidh an Coiste Roghnúcháin liosta iarrthóirí oiriúnacha in ord rangaithe do AACC lena gcur ar na liostaí ionadaithe. Ba cheart d'iarrthóirí a thabhairt dá n-aire nach ionann áit ar na liostaí sin agus tairiscint fostaíochta;
8. Beidh an liosta ionadaithe bailí go dtí an **26/05/2024**. D'fhéadfaí síneadh ama a chur leis sin trí chinneadh ó AACC;
9. Féadfar an liosta ionadaithe arna bhunú trí nósanna imeachta roghnúcháin seachtracha a chomhroinnt le Gníomhaireachtaí eile de chuid an Aontais;
10. I gcomhréir le Cinneadh Uimh. 210, Teideal II, Airt. 2(b) ón mBord Bainistíochta, féadfaidh an Ghníomhaireacht, i gcásanna eisceachtúla, conradh fostaíochta le haghaidh post comhchosúil mar Ghníomhaire ar Conradh a thairiscint d'iarrthóirí rathúil atá ar liosta ionadaithe i gcomhair post mar Ghníomhaire Sealadach;

11. Is féidir go gceanglófar ar iarrthóirí atá ar na liostaí ionadaithe dul faoi agallamh leis an Stiúrthóir Feidhmiúcháin;
12. Sula dtairgfear conradh fostaíochta dóibh, ceanglófar ar iarrthóirí a cheapfar gach doiciméad ábhartha lena gcruthaítear cúlra oideachais agus tairgí ghairmiúil a chur isteach;
13. Sula gceapfar gníomhaire sealadach, scrúdóidh AACC an bhfuil aon leas pearsanta ag an iarrthóir a chuirfeadh isteach ar a neamhspleáchas, nó aon choinbhleacht leasa eile. Ní mór don iarrthóir aon choinbhleacht leasa atá ann nó a d'fhéadfadh teacht chun cinn a chur in iúl do AACC trí fhoirm shonrach a úsáid. Déanfaidh AACC aon bheart cuí, más gá;
14. Cuireann an Gníomhaireacht rialacha an-docht i bhfeidhm maidir le coimbhleacht leasa. I bhfianaise chineál speisialta sainiúil na hoibre a dhéanann ERA, ghlac an Bord Bainistíochta rialacha sonracha maidir le coimbhleacht leasa is infheidhme maidir le baill foirne. Le tuilleadh faisnéise a fháil, féach Cinneadh 199 ón mBord Bainistíochta lena nGlactar an Creat i ndáil le Dea-lompar Riaracháin agus an Iarscríbhinn a ghabhann leis. Ní mór d'iarratasóirí a dheimhniú ina bhfoirm iarratais go bhfuil siad toilteanach cloí leis na rialacha sin;
15. Níor cheart d'iarrthóirí dul i dteagmháil leis an gcoiste roghnúcháin i gcás ar bith, go díreach nó go hindíreach, maidir leis an bpróiseas earcaíochta seo. Coimeádann AACC an ceart aige féin aon iarrthóir a dhéanfaidh neamhaird den treoir sin a dhícháiliú.

ACHOIMRE AR NA COINNÍOLLACHA FOSTAÍOCHTA AGUS AR NA SOCHAIR

1. Tá na tuarastail díolmhaithe ó cháin náisiúnta. Ina áit sin, asbhainfear cáin chun leasa an Aontais Eorpaigh ag an bhfoinse;
2. Teidlíocht saoire bliantúla 2 lá in aghaidh na míosa féilire, chomh maith le laethanta breise ag brath ar aois agus ar ghrád, agus 2 ½ lá do bhaill foirne easaoránacha, agus anuas air sin 16 lá saoire ERA ar an meán in aghaidh na bliana;
3. Oiliúint theicniúil ghinearálta agus oiliúint theicniúil chúí chomh maith le deiseanna forbartha gairmiúla;
4. Scéim Pinsin an Aontais Eorpaigh (tar éis 10 mbliana seirbhíse);
5. Cosaint árachais ó thimpiste agus ó ghalair cheirde faoi Chomhscéim Breoiteachta agus Árachais an Aontais, liúntas dífhostaíochta agus easláine agus árachas taistil;

Ag brath ar chúinsí pearsanta an duine agus ar an tír thionscnaimh, d'fhéadfadh baill foirne a bheith i dteideal na nithe seo a leanas freisin:

6. Liúntas easaoránachta nó liúntas cónaithe eachtraigh;
7. Liúntas teaghlaigh;
8. Liúntas linbh chleithiúnaigh;
9. Liúntas oideachais;
10. Liúntas suiteála agus aisíocaíocht ar chostais aistrithe;
11. Liúntas laethúil sealadach tosaigh cothaithe;
12. Sochair eile (aisíocaíocht costas taistil nuair a thosaítear i mbun dualgais, etc.)

I gcomhair tuilleadh faisnéise faoi na coinníollacha faoi seach, féach **Iarscríbhinn VII a ghabhann leis na Rialacháin Foirne** (ó leathanach 96 go leathanach 110):

<https://eur-lex.europa.eu/legal-content/EN/TXT/?uri=CELEX%3A01962R0031-20210101&qid=1617798743617>

GEALLTANAIS**Gealltanais maidir le comhdheiseanna a chur chun cinn:**

Is fostóir comhdheiseanna í an Gníomhaireacht agus molann sí go láidir do gach iarrthóir a chomhlíonann na critéir incháilitheachta agus roghnúcháin iarratas a dhéanamh, gan aon idirdhealú atá bunaithe ar náisiúntacht, aois, cine, prionsabail pholaitiúla, fhealsúnachta nó chreidimh, inscne nó gnéaschlaonadh agus beag beann ar mhíchumas, ar stádas pósta agus ar aon chúinsí teaghlaigh eile.

Nós imeachta achomhairc:

I gcás iarrthóirí a ghlac páirt i nós imeachta roghnúcháin, féadfaidh siad aiseolas a iarraidh ar conas a d'éirigh leo sa triail scríofa, sna trialacha breise agus sna hagallaimh. Aon iarrthóir a mheasann gur cuireadh an nós imeachta i bhfeidhm ar bhealach mícheart agus/nó go ndearnadh botún ag céim ar bith den nós imeachta measúnaithe, féadfaidh sé/sí a iarraidh go ndéanfaí athbhreithniú ar an iarratas uaidh/uaithe, agus féadfaidh sé/sí gearán nó achomharc a dhéanamh. Chuige sin, féadfar iarraidh ar athbhreithniú a chur isteach laistigh de 20 lá féilire ó seoladh an ríomhphost inar cuireadh in iúl dó/di gur diúltaíodh don iarratas uaidh/uaithe. Ba cheart an nós imeachta roghnúcháin lena mbaineann a shonrú san iarraidh ar athbhreithniú agus ba cheart na critéir a bhfuiltear ag iarraidh athbhreithniú a dhéanamh ina leith a lua go soiléir, mar aon leis an bhfáth a bhfuil an t-athbhreithniú á iarraidh.

Ba cheart an iarraidh sin a sheoladh chuig Cathaoirleach an choiste roghnúcháin trí bhosca ríomhphoist tiomnaithe na Gníomhaireachta (jobs@era.europa.eu) a úsáid.

Cuirfear an cinneadh ón gCoiste Roghnúcháin ar an ábhar in iúl don iarrthóir laistigh de 15 lá féilire tar éis iarraidh a fháil uaidh/uaithe.

NÓSANNA IMEACHTA ACHOMHAIRC AGUS GEARÁIN

Má mheasann iarrthóir gur imir cinneadh ar leith drochthionchar air/uirthi, féadfaidh sé/sí gearán riaracháin a dhéanamh faoi Airteagal 90 (2) de Rialacháin Foirne Oifigigh an Aontais Eorpaigh agus Coinníollacha Fostaíochta Sheirbhísigh Eile an Aontais Eorpaigh, ag an seoladh seo a leanas:

An Stiúrthóir Feidhmiúcháin
Gníomhaireacht Iarnróid an Aontais Eorpaigh
120, rue Marc Lefrancq
FR - 59300 Valenciennes

Ní mór an gearán a chur isteach laistigh de 3 mhí ón uair a cuireadh an gníomh a d'imir drochthionchar air/uirthi in iúl don iarrthóir.

Má dhiúltaítear don ghearán, féadfaidh an t-iarrthóir cás a thabhairt faoi Airteagal 270 den Chonradh ar Fheidhmiú an Aontais Eorpaigh agus faoi Airteagal 91 de Rialacháin Foirne Oifigigh an Aontais Eorpaigh agus Coinníollacha Fostaíochta Sheirbhísigh Eile an Aontais Eorpaigh, agus an cás sin a chur faoi bhráid: Cúirt Ghinearálta an Aontais Eorpaigh
<http://curia.europa.eu/>

Tabhair do d'aire le do thoil nach bhfuil sé de chumhacht ag AACC aon chinneadh arna dhéanamh ag Coiste Roghnúcháin a leasú. Is é tuairim sheasta na Cúirte nach bhfuil an lánrogha leathan atá ag an gCoiste Roghnúcháin faoi réir athbhreithniú ag an gCúirt ach amháin sa chás ina ndéantar sárú ar na rialacha lena rialaítear nósanna imeachta na gCoistí Roghnúcháin.

Is féidir freisin gearán a dhéanamh leis an Ombudsman Eorpach de bhun Airteagal 228(1) den Chonradh ar Fheidhmiú an Aontais Eorpaigh agus i gcomhréir leis na coinníollacha a leagtar síos sa Chinneadh ó Pharlaimint na hEorpa an 9 Márta 1994 maidir leis na rialacháin agus na coinníollacha ginearálta lena rialaítear comhlíonadh dhualgais an Ombudsman, arna fhoilsiú in Iris Oifigiúil an Aontais Eorpaigh, L 113 an 4 Bealtaine 1994:

An tOmbudsman Eorpach
1, Avenue du Président Robert Schuman – CS 30403
FR – 67001 Strasbourg Cedex
<http://www.ombudsman.europa.eu>

Tabhair do d'aire le do thoil nach bhfuil aon éifeacht fionraíochta ag gearáin a dhéantar leis an Ombudsman ar an tréimhse a leagtar síos in Airteagal 90(2) agus in Airteagal 91 de Rialacháin Foirne Oifigigh an Aontais Eorpaigh maidir le gearán a dhéanamh faoi seach le Cúirt Ghinearálta an Aontais Eorpaigh agus le hachomharc a dhéanamh os a comhair faoi seach faoi Airteagal 270 den Chonradh ar Fheidhmiú an Aontais Eorpaigh

<i>COSAINN SONRAÍ</i>	
<p>Is é is cuspóir le próiseáil na sonraí a chuirfidh tú isteach ná d'iarratas a bhainistiú ar mhaithe le réamhroghnú agus earcú a d'fhéadfadh an Gníomhaireacht a dhéanamh.</p> <p>Déanfar an fhaisnéis phearsanta a iarraimid uait a phróiseáil i gcomhréir le Rialachán <u>(AE) 2018/1725</u> ó Pharlaimint na hEorpa agus ón gComhairle an 23 Deireadh Fómhair 2018 maidir le daoine nádúrtha a chosaint i ndáil le sonraí pearsanta a phróiseáil ag institiúidí, comhlachtaí, oifigí agus gníomhaireachtaí an Aontais agus maidir le saorghluaiseacht sonraí den sórt sin, agus lena n-aisghairtear Rialachán (CE) Uimh. 45/2001 agus Cinneadh Uimh. 1247/2002/CE.</p>	<p>I gcomhair tuilleadh faisnéise, féach:</p> <p><u>Ráiteas Príobháideachais – Roghnú agus fostú Fhoireann na Gníomhaireachta (TA, CA, SNE agus oiliúnaithe)</u></p>